


六度集經



百五十八  
敢七

48365



元祿九年丙子二月日重脩

皇圖聖圖 帝潛銀呂

佛日增輝 懋合輪常轉

山城州天安寺法金剛院置

藏

六度集經卷第七

敢

吳天竺三藏法師康僧會譯

禪度無極經

凡九章



禪度無極者云何端其心壹其意念會衆善  
內著心中意諸穢惡以善消之凡有四禪一  
禪之行去所貪愛五妖邪事眼覩華色心爲  
淫狂去耳聲鼻香味身好道行之志必當  
遠彼又有五蓋貪財蓋恚怒蓋睡眠蓋淫樂  
蓋悔疑蓋有道無道有佛無佛有經無經心  
意識念清淨無垢心明覩真得無不知天龍  
鬼妖所不能惑猶人有十怨脫身離之獨處  
山間衆所不知無所復畏人遠情慾內淨心

寂斯謂一禪心獲一禪進向二禪第二之禪  
如人避怨雖處深山懼怨尋之踰自深蔽行  
寂雖遠十情慾怨猶恐慾賊來壞道志得第  
二禪情慾稍遠不能汙已第一之禪善惡諍  
以善消惡惡退善進第二之禪喜心寂止不  
復以善任消彼惡也喜善二意悉自消滅十

善二

心者

惡烟絕外無因緣來入心者譬如高山其頂  
有泉無流入者亦非龍雨水自內出水淨泉  
滿善由心出惡不復由耳目鼻口入御心如  
是便向三禪第三之禪守意牢固善惡不入  
心安如須弥諸善不出外事善惡寂滅不入  
心猶蓮華根莖在水華合未發為水所覆三

禪之行其淨猶華去離衆惡身意俱安御心  
如是便向四禪善惡皆棄心不念善亦不存  
惡心中明淨猶琉璃珠又如王女淨自沐浴  
名香塗身内外衣新鮮明上服表裏香淨菩  
薩心端獲彼四禪群邪衆垢無能蔽其心猶  
若淨繒在作何色又如陶家埏埴爲器泥無  
沙礫在作何器又猶鍛師熟鍊名金百竒千  
巧從心所欲菩薩心淨得彼四禪在意所由  
輕舉騰飛履水而行分身散體變化万端出  
入無間存亡自由獲日月動天地洞視徹聽  
靡不聞見心淨觀明得一切智未有天地衆  
生所更十方現在衆心所念未萌之事衆生

魂靈爲天爲人入太山餓鬼畜生道中福盡  
受罪殃訖受福無遠不知夫得四禪欲得溝  
港頻來不還應儀各佛如來至真平等正覺  
無上之明求之即得猶若万物皆因地生自  
五通智至于世尊皆四禪成猶衆生所作非  
地不立衆祐又曰群生處世政使天帝仙聖  
巧黠之智不覩斯經不獲四棄之定者猶爲  
愚朦之也既有智慧而復一心即近度世世  
爲菩薩禪度無極一心如是

昔者比丘飯畢澡漱入深山丘墓間樹下坐  
叉手佞頭一心滅念內意心中消去五蓋五  
蓋滅後其心熨然冥退明在願愍天人蛸飛

蚊行蠕動之類傷其愚惑懷斯五蓋遇絕明  
善之心消去五蓋諸善即強猶若貧人舉債  
治生獲利還彼餘財修居日有利入其人心  
喜又如奴使勉爲良民困病獲瘳九族日興  
牢獄重罪逢赦得出又如重寶度海歷險還  
家見親其喜無量心懷五蓋猶斯五苦比丘  
見諦去離五蓋猶彼凡人免上五患蓋退明  
進衆惡悉滅道志強盛即獲一禪自一禪之  
二禪凡有三行一曰勤劬二曰數念三曰思  
惟自斯三事得成四禪以一禪至二禪以二  
禪之三禪以三禪之四禪四禪勝三禪三禪  
勝二禪二勝一第一之禪十惡退五善進何謂

十惡眼樂色耳音鼻香口味身好并上五蓋  
謂之十惡何謂五善一計二念三愛四樂五  
曰一心斯五善處內第二之禪不計不念制  
心內觀善行在內不復由耳目鼻口出入善  
惡二行不復相干心處在內惟有歡喜也三  
禪之行除去歡喜心向清淨怕然寂寞衆祐  
各佛應儀曰諸能滅欲淨其心者身終始安  
第四之禪喜心去得寂定一禪耳爲聲亂二  
禪心爲念亂三禪心歡喜亂四禪心爲喘息  
亂一禪耳聲止進至二禪二禪念滅進至三  
禪三禪歡喜滅進至四禪四禪喘息滅得空  
定菩薩禪度無極一心如是

菩薩志道凡以幾事能令內淨心一得禪或  
見老者頭白齒落形體變異覩之意悟曰吾  
後必然一心得禪或覩病者身心困痛猶被  
杖楚悵然悟曰吾後必然一心得禪或覩衆  
生壽命終訖息絕焜逝神遷身冷九族捐之  
遠著外野旬日之間胖脹爛臭或爲狐犬衆  
鳥所噉肌肉生虫虫還食身膿血惡露滂池  
流地骸骨解散節節異處足跖脛脾尻脊脇  
僻頭齒髑髏各自分離道人念曰夫生有死  
人物猶幻會即有離神逝體散吾豈得止獨  
不如彼乎覩之愴然一心得禪或見久死體  
骨消滅泥土同塵深自惟曰吾體方尔一心

行禪或以聞太山湯火之毒酷裂之痛餓鬼  
飢饉積年之勞畜生屠剥割截之苦存之愕  
然一心得禪或見窮凍餓死或見履非之人  
爲王法所戮道人念曰斯人遭患由無道志  
吾不精進必復如彼也一其心得禪深惟內  
觀下卽爲屎尿所迫上卽爲寒熱所燿覺身  
可惡一心得禪或見惡歲五穀不豐民窮爲  
亂更相格戰死屍縱橫覩之愴然吾不爲道  
必復如之一其心得禪覩盛有衰榮財難保  
少壯有老病壽猶電憶之愕然一其心得禪  
念佛巍巍相難雙矣皆由清淨致爲衆祐存  
之欣然一其心得禪念經深義沙門高行一

其心得禪惟身行善前後積德一其心得禪  
惟愚所求違佛明法勞而益罪諸天處世守  
戒奉齋自致昇天榮壽無量一其心得禪受  
佛深經反覆思之為衆訓導中心歡喜一其  
心得禪存憶衆生有成輒壞壞皆苦痛惟之  
愴然一其心得禪衆生之性莫能自保來始  
之變道人自懼命盡卒至或墮惡道視世榮  
樂真偽如夢志重醒悟一其心得禪諸食入  
口與涕唾澆瀆外好內臭化成屎尿憶之可  
惡一其心得禪兒在母腹初如凝粥以漸長  
大三十八七日身體皆成臨生之難多危少  
安既生之後諸病並進或一或十或五十至

百年皆當老死無免斯患惟已亦然一其心  
得禪有存即滅尋之無處三界皆空志無貪  
慕悲念衆生不覩佛經邪欲所蔽無知非常  
誓願拯濟一其心得禪志成行高懷四等心  
愍育衆生猶若慈母哀護幼兒兒隨輩熙戲  
母以慈心行索覩兒爲泥塵所汙飢渴啼呼  
覩兒若茲悲淚抱歸洗浴衣食身康心悅慈  
母歡喜愛攝徘徊不捨如前道人慈悲愛護  
衆生踰彼慈母教天下人蝟飛蚊行蠕動之  
類奉佛覩經親沙門衆採執佛戒懷而行之  
遠離三惡心念善口言善身行善抑上三惡  
永興三善長不令更太山地獄餓鬼畜生窮

苦險處安以無極之福堂尋復追誨懼其處  
福爲之僇蕩恣從惡心還處三塗示榮祿之  
禍非常苦空之變以戒之也勸取無爲如彼  
慈母攝護之意也思十六事一其心得禪何  
謂十六喘息長短即自知喘息動身即自知  
喘息微著即自知喘息快不快即自知喘息  
止走即自知喘息歡感即自知惟万物無  
常喘息自知万物過去不可追得喘息自知  
內無所思棄捐所惟喘息自知放棄軀命不  
棄軀命喘息自知道人深思有是即得是無  
是不得是夫生必有老死之患魂靈不滅即  
更受身不生即無老不老即無死念是一其

心得禪道人以眼觀世生死但以十二因緣  
念此一其心得禪道人以五事自觀形體一  
曰自觀面類數變二曰苦樂數移三曰志意  
數轉四曰形體數異五曰善惡數改是謂五  
事數有變異猶如流水前後相及念此一其  
心得禪道人念禪當云何目見死人自頭至  
足諦思熟視存想著心行坐卧起飯飲万役  
常念著心以固其志得禪自在所念譬如人  
炊數斛米飯欲知熟未直取一米捻燮視之  
一米熟者明餘者皆熟道志若茲心之迴走  
猶水之流道人直念一事心停意淨應儀真  
道滅度可得第一之禪欲得應儀可得不曰

中有得者有不得者何行能得何行不得於  
一禪中有念有愛道則不成天地無常虛空  
難保盡內穢垢無貪愛念志淨如斯應真可  
得二三至四執心當如一禪志存一禪未得  
應儀命終何趣即上七天受壽一劫在二禪  
終上十一天受壽二劫處三禪終上十五天  
受壽八劫處四禪終上十九天壽十六劫道  
人自觀內體惡露都為不淨髮膚髑髏皮肌  
眼淚涕唾筋脉肉髓肝肺腸胃心膽脾腎屎  
尿膿血衆穢共合乃成為人猶若以囊盛五  
穀也有目寫囊分別視之種種各異明人如  
此內觀其身四大種數各自有名都為無人

以無欲觀乃覩本空一其心得禪道人深觀  
別身四大地水火風髮毛骨齒皮肉五藏斯  
即地也目淚涕唾膿血汗肪髓腦小便斯即  
水也肉身溫熱主消食者斯即火也喘息呼  
吸斯即風也譬如屠兒殺畜剝解別作四分  
具知委曲道人內觀分別四大此地彼水火  
風俱然都爲無人念之志寂一其心得禪道  
人自覺喘息長短遲疾巨細皆別知之猶人  
削物自知深淺念息如此一其心得禪菩薩  
禪度無極一心如是

太子出遊王勅國內無令衆穢當彼王道太  
子出城第二天帝化爲老人當其車前頭白

背僂倚杖羸步太子曰斯人何乎御史對曰  
老人矣何謂爲老曰四大根熟餘命無幾太  
子曰吾後亦當老乎對曰自古有老無聖免  
茲太子曰吾謂尊榮與凡有異而俱不免榮  
何益已還宮存之一心得禪王問僕曰太子  
出遊觀國喜乎對曰道觀老耄存世非常心  
不爲欣王懼去國重益樂人惑之以榮華亂  
之以衆音欲壞其道意令守尊位也後復出  
遊王重勅曰無令羸老在道側也前釋復化  
爲病人體疲氣微肉盡骨立惡露塗身倚在  
門側曰斯復何人對曰病人也曰何謂爲病  
飲食不節卧起無常故獲斯病或愈或死曰

吾亦飲食不節卧起無常故更病乎對曰有  
身即病無免斯患太子曰吾不免患後必如  
之還宮存之一心入禪後出帝釋復化爲死  
人輦擔建旒哀慟塞路曰斯復何人對曰死  
人何謂爲死命終神遷形骸散矣長與親離  
痛夫難處太子曰吾亦然乎對曰上聖之純  
德無免斯患迴車還宮一心入禪後復出遊  
之王田廬坐樹下觀耕犁者反土虫出或傷  
或死烏追食之心中愴然長歎曰咄衆生擾  
擾痛焉難處念之悵如一心入禪時日盛出  
照太子身樹爲低枝不令日炙王尋所之遙  
覩無上聖德之靈悲喜交集不識沒身稽首

爲禮太子亦俱稽首于地父子辭畢王還于  
宮太子一心入禪菩薩禪度無極一心如是  
太子初生王令師相師曰處國必爲飛行皇  
帝捐國作沙門者當爲天人師也王興三時殿  
春夏冬各自異殿殿有五百伎人不肥不瘦  
長短無呵顏華鮮明皆齊桃李各兼數伎姿  
態傾賢以樂太子殿前列種甘果華香苾芬  
清淨浴池中有雜華異類之鳥鳴聲相和宮  
門開閉聞四十里忠臣衛士傲循不懈警言  
偈之鳥鵲鴛鴦驚鳴相屬太子年十七無經  
不通師更拜受王爲納妃妃名裘夷容色之  
華天女爲雙力勢頓却六十巨象至年十九

太子都合諸伎凡千五百人共處一殿極其  
伎樂欲令疲卧可得捨去天令樂人皆卧無  
知太子靜思視諸伎人猶木梗人百節皆空  
中如竹節手足垂地涕淚流出口唾汗頰伏  
鼓亂頭樂人皆著名璫垂懸珍耀華光珠璣  
瓔珞瓊環雜巧羅縠文繡上服御衣琴瑟箏  
笛笳簫樂器縱橫著地警備之鳥及守衛者  
頓瞑無識太子以無蔽之眼遍觀衆身還觀  
其妃頭髮髑髏骨齒爪指皮膚肌肉膿血髓  
腦筋脉心膽脾腎肝肺腸胃眼窳屎尿涕唾內  
視猶枯骨外視猶肉囊無一可貴不淨臭處  
覩之存憶令人吐逆猶藍假面文綵衣之熏

香其表以屎尿膿血滿者其內愚者信其表  
明者觀其內遠之萬里猶復閉目也太子觀  
之若幻難可久保處世假借必當還主卧者  
縱橫猶如死屍俞不樂焉一心得禪從禪覺  
仰視沸星夜已向半諸天側塞叉手作禮華  
香衆樂舉願無量太子觀諸天稽首即說經  
曰姪逸最惡令人狂醉謗正歎邪以瞋為明  
是故諸佛辟支佛阿羅漢不譽為善當疾遠  
之反覆思惟呼車匿曰疾被韃德重自惟曰  
城門關閉聞四十里云如之何諸天僉然曰  
敬諾世尊吾等御門令其無聲宮人無知馬  
蹄寂然不聞微聲太子上馬百億帝釋四百

億四大天王天龍鬼神翼從導引平治塗路  
天樂詠歌無上巍巍吾生遇哉得覩靈輝消  
心塵勞永世不衰痛夫八難遠尊可哀重曰  
遇哉吾等偶諧馬始出門門即有聲馬哽咽  
悲鳴淚流交頸諸天厭王一國無知所以然  
者欲令太子早得佛道太子棄金輪王七寶  
之位忍衆苦度衆生菩薩禪度無極一心如是  
太子未得道時取地好草於樹下叉手正坐  
棄衆垢念清其心一其志自念曰今日爲始  
肌筋枯腐乎此不得佛者吾終不起菩薩即  
得一禪二三至四禪即於一夜得一術闍知  
無數劫父母兄弟妻子九族二夜之中得二

術闇自知無數劫貧富貴賤長短白黑衆生  
心中有念無念得無不知三夜之中得三術  
闇三毒都滅夜向明時佛道成矣深自思曰  
吾今得佛甚深甚深難知難了微中之微妙  
中之妙也今佛道成得無不知起至龍水所  
龍名文隣文隣所處水邊有樹佛坐樹下曰  
昔者定光佛授吾尊決當爲釋迦文佛真如  
所聞吾今得佛矣自無數劫來布施持戒忍  
辱精進禪定明度積功之願始今得極尊作  
善福歸不亡我功佛適念之便入禪度無極  
佛在水邊光明徹照龍所居處覩光影鱗甲  
皆起龍嘗見三佛拘婁秦佛拘那含牟尼佛

迦葉佛三佛得道皆在此坐明悉照龍所居  
龍觀光明念曰斯光與前三佛光影齊同世  
間得無復有佛乎龍大歡喜出水左右視覩  
佛坐樹下身有三十二相紫磨金色光明奕  
奕過月踰日相好端正如樹有華龍前趣佛  
頭面著地遶佛七匝身去佛四十里以七頭  
覆佛上龍喜作風雨七日七夕佛端坐不動  
不搖不喘不息七日不食得佛心喜都無身  
想龍大歡喜亦七日不食無飢渴念七日畢  
風雨止佛禪覺悟龍化爲梵志年少鮮服長  
跪叉手稽首問曰得無寒無熱無飢無渴功  
福會聚衆毒不加處世爲佛三界特尊豈不

快哉佛告龍曰過去諸佛經說衆生離三惡  
道得爲人快處世閑居守道志快昔者所聞  
今皆獲快處世懷慈不害衆生快天魔重毒  
皆歇快快怕無欲不慕榮快於世得道爲天  
人師志空不願無相之定衆欲之有身還神  
於本無長存之寂永與苦絕斯無上之快矣

龍稽首言自今以後自歸佛歸法佛告龍  
有衆聖其誓應儀欲除饑苦亦當預自歸之  
龍曰諾自歸除饑衆畜生之中歸佛先化斯  
龍爲首菩薩禪度無極一心如是

佛行得小徑其邊有樹佛坐其下與千二百  
五十比丘俱一心入定有五百乘車過佛時

盛渴告阿難曰。尔取水。吾欲飲之。曰。屬有五百乘車過。其水盛濁。不可飲。又重勅曰。吾渴尤甚。尔駛取水來。至再三。阿難曰。有溪名鳩對清澄且美。可浴可飲。佛與阿難說。斯未竟時。有一人名胞芻。師事逝心。逝心名羅迦藍。胞芻覩佛靈輝。身色紫金。相好甚竒。古聖希有心。喜喻盜拱手直進。稽首而曰。屬有五百乘車由斯行矣。世尊寧聞見乎。曰。不聞不見也。胞芻曰。世尊卧乎。曰。吾坐禪。得一心定。胞芻歎曰。如來無所著。正真覺玄深之定。乃至斯乎。車向者震國躬汗塵埃。志道無猗。不聞不見。軋坤可動。斯志難傾。吾師在時。亦於道。

邊樹下得禪時亦有五百乘車歷其前有人  
問曰寧聞見乎曰不聞不覩其人曰子時卧  
出乎曰吾一其心得清淨定故不聞其人曰  
羅漢道志深乃如之乎車歷前身汗塵而不  
覺其人覩彼志幽玄師事終年胞溺曰佛寂  
定無猗之志猶吾往師自今日始終命奉佛  
五戒為清信士敢履衆惡佛告胞溺五百車  
聲孰如雷震之響對曰千車之聲猶不比雨  
之小雷豈況激怒之霹靂乎世尊曰吾昔處  
阿譚縣蓬廬之下坐惟生死之本暴風雨雹  
雷電霹靂殺四特牛耕者兄弟二人其縣黎  
民觀者甚衆吾時出經行有一人至吾所吾

問之曰衆將何觀乎其人如事說之人曰佛時何之荅曰獨在屋下人曰佛時卧乎曰不人曰焉有寤而不聞乎志道甚深自今之後願師事世尊奉五淨戒爲清信士終身守真胞芻聞之心開結解其喜無量願勅從者曰內藏金織成衣有千領擇取妙者來吾欲上佛從者承命歸家取來胞芻自手以衣被佛身上退稽首曰自今願世尊屈影靈之吾鄉諸清信士所并願下吾家宗門巨細各自親身供養於佛畢天地之壽以至恭之心奉養天龍鬼神蝸飛蚊行蠕動之類者不如一日飯一沙門豈況無上正真佛乎願垂弘慈吾

無極之福世尊曰大善菩薩禪度無極道志  
如是衆祐自說爲菩薩時名曰常悲常悲菩  
薩常流淚且行時世無佛經典悉盡不覩沙  
門賢聖之衆常思覩佛聞經妙旨時世穢濁  
背正向邪華僞趣利猶蛾之樂火四等六度  
永康之宅而世廢佛斯法就彼危禍以自破  
碎也故爲愁荒哀慟且行往昔有佛名影法  
無穢如來王滅度來久經法都盡常悲菩薩  
夢見其佛爲其說法云慎無貢高學士之行  
去心思愛之垢無著六情之塵勞無遺衆愛  
毛髮之大截尔心內諸念寂滅是爲無爲菩  
薩從佛聞斯法猶饑夫得甘食其喜無量心

垢除入淨定即棄家捐妻子入深山處閑寂  
以山水果蔬自供處山舉手椎心哀號而云  
吾生怨乎不值佛世不聞佛經十方現在至  
真世尊洞視徹聽皆一切知恍惚髮鬢耀靡  
不乏願現尊靈令吾覩佛得聞弘廣大道極  
趣哀聲適訖天神下曰明士乃尔莫復哀號  
佛有大法名明度無極之明過去諸佛今現  
在甫當來皆由斯成尔必索之誦習其文懷  
識其義奉而行之尔必得四無所畏十種力  
十八不共身色紫金項光無際十方經道尔  
為明主衆聖之尊天人之師應儀名佛所無  
有也常悲菩薩仰視報曰當由誰聞斯尊法

乎以何方便之何國土厥師族名天人報曰  
尔自斯正東行無念色痛想行識無念苦樂  
善惡耳目鼻口身心吾我及人徃世所更來  
世之事無念地水火風空青黃白黑都及衆  
色貪淫瞋恚愚癡嫉妬男女九族左右前後  
高下遲疾無念有佛無佛有經道無經道有  
賢聖無賢聖空尔意絕衆願尔之執心無違  
吾教今覩明度無極聖典常悲菩薩仰曰敬  
諾終始哉之天人重曰精進存之言竟忽然  
不現菩薩受教端心内淨東行索之數日即  
止深自思曰吾宿薄祐生不值佛世無沙門  
君且憤憤無知佛者明度無極除冥尊師去

斯幾里未覩之頃心中悲猛舉哀而行精誠  
之至感於諸佛上方佛來飛在其前身色紫  
金相好絕聖面若滿月項有日光諸天翼從  
寶帳華蓋作樂散華叉手垂首佛歎菩薩曰  
善哉善哉尔之快健覩世希有菩薩見佛且  
喜且悲稽首而曰願佛哀哉斷我繫解吾結  
開吾盲愈吾病爲吾說經佛告之曰三界皆  
空夫有悉無万物若幻一生一滅猶若水泡  
覩世皆然尔其思之吾爲尔說經端心諦聽  
慎無忘也自是東行二万里有國名捷陀越  
諸菩薩城也一國之內皆是上士無凡庸人  
欲爲說諸菩薩之德劫數已盡其德有餘至

尊上德菩薩名法來於彼諸聖猶星有月懷  
諸經典其明無限敷演明度無極之經反覆  
教人諸菩薩有受經者誦者書者定經源者  
尔往見焉必為尔師勸尔索佛疾馳就之自  
當為尔說内外明度無極影德常悲菩薩聞  
佛歎彼菩薩名德心入法喜得現在定衆想  
都寂悉覩諸佛為已說明度無極之德歎已  
精進索佛之勲僉曰善哉求佛之志尔為得  
之吾於往昔始發意時亦皆然也已逝甫來  
現在諸佛皆如尔索矣尔必得佛濟一切生  
也常悲菩薩從定寤左右顧視不復覩諸佛  
即復心悲流淚且去諸佛靈耀自何所來今

逝焉如菩薩禪度無極一心如是

昔有兩菩薩志清行淨內寂無欲表如天金  
去穢濁之群處山澤鑿石爲室閑居靜志菅  
衣草席食果飲泉清淨無爲志若虛空四禪  
備悉得五通智一能徹視無遐不覩二能洞  
聽無微不聞三能騰飛出入無間四能通知  
十方衆生心中所念五能自知無數劫來宿  
命所更梵釋仙聖諸天龍鬼靡不稽首處山  
澤六十餘年悲念衆生展轉愚冥不覩爲惡  
後有重殃約情棄欲敬奉三尊福至響應必  
獲其榮二梵志者一名題耆羅二名那賴題  
耆夜興誦經疲極卧出那賴時亦誦經誤蹈

題耆羅首題耆即興而曰誰蹈吾首者明旦  
日出一丈破介之首爲七分善乎那賴曰誤  
蹈介首祝誓何重凡器不行之類尚有相觸  
豈況於人共處終年而不誤失乎介言常誠  
明旦日出吾首必爲七分矣吾當制日不令  
其出遂介不出五日之間舉國幽冥炬燭相  
尋衆官不修君民惶惑會群寮請道士王曰  
日之不出其咎安在道士之中有五通者曰  
山中道士兩有微諍故制日令不出耳王曰  
其諍有緣乎道士具以本末爲王說之王曰  
奈之何荅曰王率群寮民無巨細馳詣于彼  
稽首和解彼必慈和王即有詔如道士令詣

于山澤叩頭曰國豐民寧二尊之潤而今不  
和率土失所其咎在我黎民無過願赦之那  
賴曰王勤曉彼意彼意解者吾放日矣王之  
題者羅所宣那賴言王即曰今彼以泥塗其  
首放日泥首即破為七分那賴無為王臣黎  
民靡不欣懌兩道士為王廣陳治國當以四  
等無蓋之慈勸奉五戒載十善而行王及臣  
民僉然受戒王還國有詔曰人無尊卑帶五  
戒十善經以為國政自斯之後王潤逮草木  
忠臣誠且清讓父法母儀室家各尚守道貞  
信家有孝子眾祐曰兩菩薩覩其國主不知  
三尊臣民憤憤邪見自蔽猶冥中閉目行愍

其徒生徒死不覩佛經故為斯變欲其覩明也佛告諸比丘那賴者吾身是題者羅者弥勒是菩薩禪度無極一心如是

六度集卷第七

敢

陶家

上音桃燒

挺埴

上詩延反

下常力反

鍛

師

丁亂

熨然

上兄役反

蚘

正

蚘

反又

蚘

渠

移

蠕

音軟

劬

音力

怕然

安也

焜

烏

去反

瘁

疋上

降

疋作

儂

上烏

焜

滂

上疋

瘁

疋上

足

疋下

儂

上烏

焜

蹠

下蒲

剝

反與

尻

上脊

下音

反也

焜

脅

虛業

剝

必角

愕然

上吾

燿

熱氣也

焜

格戰古陌也反洩唾上音替下澆上音潰反音

讚也疑反魚陵抑止意力反工卧斛胡谷反拵拵反音

囊盛成下音肪音方剗解也上音枯剖破反削反思約反音

背腰作下力主反正老窳下舊音舉反音輦預上音

同也下都甘淡反今疑上作舉與反音輦預上音

引喪赤幡反丁骨壯舉也請詳昇反音輦預上音

也美苾芬下芳頻必反正作秘傲循上古平反

音旬或警備上覺景也香氣也傲循上古平反

木人璫音當耳琨環上音昆玉名羅穀下胡反

笳簫上音加卷簾瞋反莫經眼窈下音還名羅穀下胡反

俗作車匿下力反韃德上音軋下舊音屎反音屎反音

馬躄下音第啞咽上古憂悲不止之結反厭

也踏也第啞咽上古憂悲不止之結反厭

警	也乱	果屬	激	上二	玉
字上	凡	鼻也	怒	非音	友上
况	庸	生枝	擊上	下疾	一一
欣	下	曰生	音正	也益	檢
懌	常音	菴曰	碎	胞	反反
亦下	也容	推	礮	芻	腐
音	鑿	反直	曆上	下上	爛音
	昨音	追	正疋	居必	也父
	管	戢	作覓	例交	拘
	茅古	之	霹反	反反	婁
	類顏	荷上	靄下	人音	樓音
	也反	恩阻	音	名音	那
	叩	也澁	果	也挑	鎗
	頭	反	菰	倚於	含音
	口上	憤	反下	倚於	駛
	音	反古	瓜郎	也離	駛
	祝	心妹	之界	反史	使

